

der gien mostest in Jerusalē bespren
 ghet mytten bloede dijns lieuen kindes
W bedroefde moeder hoe vake seghestu
 ōme naeden graue dijns lieuen kindes
 En alstu dat niet langher sien kodes
 vielstu op dijn kneen myt ghebron-
 ghen handen. myt schreyenden oghe
 ende ghenghest ter statwert **W** mā
 moeder der barmhertich^t ick bidde
 dy wten gronde mijns herten dattu
 doer al dattu gheleden heuest inder
 passien dijns lieuen kindes mī ghe-
 beth wilste ontsaen en verhoeren my
 ende vertrighen my troest in alle no-
 den ende in deser saken daer ick nu om
 ghebeden hebbe ter eren godes en salic-
 hett mijne sielen **En** verbarme dy ge-
 nadelik ouer alle ghelouighe sielen
Amen **W** Wir eyndet dit ghebeth.
Atem dit naeuolghende ghebr
 heuet ghemaect sunte Gregorius de
pauis Inde als hiet op een tijt las